



Model da l'alloschi provisoric dal convict da la Scola chantunala grischuna a Cuiria.

MAD

Construcziun innovativa da moduls da lain or dal Grischun

Alloschi provisoric dal convict da la Scola chantunala grischuna a Cuiria

■ (cc) A Cuiria vegnan actualmain montads ils emprims moduls da lain per l'alloschi provisoric dal convict. Quests moduls vegnan producids en il Grischun. Pervia dal grond basegn da sanaziun e pervia dal standard antiquà dal convict da la scola chantunala grischuna a Cuiria, ch'era vegnì construi l'onn 1968, dovri urgentmain ina renovaziun cumplexsiva. Las lavurs da construcziun cumenzan l'avust 2018, la terminaziun e l'avertura èn planisadas per l'october 2020. Per la fasa da la sanaziun architettonica vegn construi in alloschi provisoric per circa 100 scolares e scolars sin l'areal al vest da la chasa da scola Cleric, en in lieu central.

In dachasa provisoric amez il campus da scola

L'alloschi provisoric è collià directamain cun la mensa provisorica existent. Suent l'avertura da l'edifizi complementar da la mensa e da la mediateca al Münzweg la fin da l'onn 2017 n'è la mensa provisorica betg pli vegnida duvrada. Senza midadas da construcziun pli grondas po il pavigliun da lain d'in plaun vegnir transfurmà en moda ideala en in sectur

da dimora. Ensem cun l'alloschi provisoric vegn stgaffi in nov dachasa temporar amez il campus da scola.

Construcziun moderna da moduls da lain per il Grischun or dal Grischun

L'alloschi provisoric che vegn planisà e construi d'ina interpresa grischuna da construcziun en lain, vegn prendi en locaziun per 27 mais. L'edifizi modern da lain ha trais plauns ed è caracterisà tras sia clera divisiun en dus tracts d'abitar ed en in stabiliment da colliaziun. La moda da construcziun è innovativa e persistenta. En tut vegnan ordinads 102 moduls da lain sco chombras singulas e dublas e repartids sin trais plauns. Il plaunterren dispona ultra da quai d'in sectur d'administraziun e da trategniment. Tut ils moduls sa basan sin il medem raster e servan ubain sco chombras ubain sco locals sanitar. Els vegnan producids en ina gronda halla da fabricaziun cun agid d'ina procedura che dispona da la tecnica da computer la pli moderna. Tut ils interiors, las installaziuns da la tecnica da chasa, las fanestras e las portas sco er la protecziun cunter il sulegl èn premontads. Ils moduls vegnan mo pli mess sin ils fun-

daments da betun preparà al lieu. Uschia sa laschan il temp ed ils custs da construcziun optimar considerablmain. L'alloschi provisoric vegn collià cun la rait da chalur a distanza da la citad da Cuiria. En cumbinaziun cun la construcziun tschernida da moduls da lain resulta in edifizi fitg ecologic e persistent. In motiv per quai è er il fatg ch'ils moduls dals locals, che pon vegnir utilisads en moda multifara, èn reutilisabels. Ina gronda valorisaziun entaifer il chantun sco er la promozion d'interpresa mesaunas stattan qua en il focus.

Ils custs per l'alloschi provisoric importan 2,9 milliuns francs ed èn cuntegnids en il credit d'impegn dal cussegl grond per la renovaziun dal convict. Il mobigliar per 100 abitantas ed abitants, ch'è previs per la renovaziun dal convict, vegn cumprà gia per l'alloschi provisoric, quai che gida medemmain ad optimar ils custs.

Suent che la renovaziun dal convict è finida, vegn demontà l'alloschi provisoric. Il locatur dals moduls da lain planisescha d'utilisar quels per in nov intent, principalmain en il sectur turistic, e vul uschia metter in impuls prospectiv.

FORUM ELECTORAL

Mario Cavigelli e Marcus Caduff ella regenza

Mario Cavigelli, il president dalla regenza e schef dil departament da construcziun traffic e selvicultura, presta eccellente lavur per il cantun Grischun. El ha ideas, visiuns e la habilitad da realisar quellas. Mario Cavigelli ha demussau en sias empremas duas periodas d'uffeci sco cusseglier guvernativ ch'el promovia cun vigur la realisaziun dallas infrastrukturas el Grischun procurond aschia cundiziuns da rom favoreivlas e quei ton per l'economia sco per la populaziun. Ultra da quei batte el sco minister d'energia alla front per la forza hidraulica e per il manteniment dils tscheins d'aua ch'è in da muntada vitala per il cantun e per

las vischnauncas. Marcus Caduff ei il schef operativ dil Spital regiunal Surselva e porta responsabladad per 260 collaboraturas e collaboratur. En quella incarica documentescha el di per di ch'el ei ina ferma personalitad ch'ei habla da direger. El ei innovativ ed iniziativs, in realisader cun in orizzont aviert, in che lantschescha e realisescha projects. Quellas qualitats ein ina premissa optima per in cussegl guvernativ. Las electuras ed ils electurs grischuns prendan ina buna decisiun, sch'els elegian Mario Cavigelli e Marcus Caduff ella regenza.

Elita Florin -Calvori, deputada e presidenta communal da Panaduz.

«Surselva, sededesta e siara las retschas»

Suent 20 onns ha la Surselva puspei inagada in candidat per la regenza. Sche nus havein persequitau tut tgei nus havein spiar en quels 20 onns senza in representant en la regenza eis ei neras uras da sedestadar e star unanim davos il candiad Marcus Caduff. Mo sche nus setenin sco regiun Surselva ensem ed enblidein per ina gada tuttas differentas idilogias politicas, savein nus contonscher quella finamira, schiglioc vegnin nus probabel sco fetg gronda regiun mai pli tier in commember dalla regenza cantunala.

Differentas personalitads dalla Surselva, sco Carmelia Maissen, Robert Cajacob, Sep Cathomas, Aurelio Casanova etc. han gia scret per tgei ch'ei va per nus, lein pia suandar lur recumandaziuns.

Jeu mez hai il medem intent sco il president dall'Uniu purila grischuna

Thomas Roffler. Lez ha sinceravon ina sala fullanada ils 5-4-2018 a Degen e getg circa il suandont: Cu Marcus Caduff hagi dumandau el da vegnir a Degen a referir cun el al podi dalla politica agrara hagi el getg immediat gie, cun l'aschunta sch'el sappi contribuir enza tgei per ch'el (Marcus) vegni elegius en la regenza, lu fetschi el fetg bugen quei. Ei sto esser ch'el ha sefatg en tgei buna lavur che Marcus ha gia prestau el cussegl grond e special sco schef da fracziun, e ch'in inschigner agronom fagessi fetg bein ella regenza cantunala, seigi quei per turissem, economia, giuventetgna e puesser. Exact da quei meini sundel jeu era, perquei carassursilavanas e Sursilvans, mei stedi a votar e votei per Marcus Caduff.

Bistgaun Capaul, Lumbrein

Clemens Berther sco deputau

Energia ei in impurtont element pil bein prosperar dil territori alpin. La Fundaziun AlpEnForCe cun sedia a Mustér ei vegnida fundada cun la finamira da scafir, promover, coordinar e derasar la savida en favur dallas regiuns da muntogna. Ils «Dis da discussiun davart la perscrutaziun dall'energia» a Mustér porschan ina plattafuorma als perscrutaders ed interessai da differentes secturs ed ei aschia da muntada pil svilup dallas vischnauncas localas. Clemens Berther sesa el cussegl da fundaziun da quella e s'engascha cun grond anim en favur da differentes projects locals e regiunals. Sco gerav dalla vischnaunca da Mustér ha el ina savida

fundada davart la regiun ed enconuscha ils basegns da quella. El ha buca mo l'enconuschientscha pratica, mobein s'engascha era activamein en favur dalla realisaziun da projects centralis. Sco suppleant da deputau el cussegl grond presta Clemens Berther dapi entgins onns in bien survetich en favur dalla regiun. Per quei motiv cussegliel jeu a vus d'eleger Clemens Berther sco deputau ils 10 da zercladur 2018 ed aschia da dar la vusch ad ina persuna che s'engascha per ina regiun cun potenzial d'energia.

Ivo Schillig, Altdorf, vicepresidente e delegav dil cussegl da fundaziun dil Center da perscrutaziun d'energia alpin AlpEnForCe



FOTO E. MONN

Stauncla sundel, mon a casa,
mei il Segner ha clamau.
Pasch etem'uss sederasa,
tut il grev ei surmontau.

Cumiau ed engraziament

En carezia ed engraziavladad prendein nus cumiau da nossa cara Tina, sias forzas ein consumadas.

Barla Catrina (Tina) Friberg

24-4-1924 – 4-5-2018

Suent bien 3 onns e miez ha ella astgau sedurment ruasseivlamein en Casa S. Martin a Trun. Cuort suenter siu 94avel di da naschientscha.

Adressa da malencurada:

Cornelia Cabalzar
Via Fistez 26
7126 Castrisch

En tgeua malencurada

Parents, enconuschents e figliolas

La sepultura ha liug mesjamna, ils 9 da matg 2018 allas 14.15 en la baselgia parochiala a Danis. Il rusari per la defuncta ha liug mardis, ils 8 da matg 2018 allas 19.00 en baselgia a Danis. L'urna sesanfla en baselgia.

In cordial engraziament admettein nus

- al miedi dr. Tarcisi Maissen per sia tgira medizinala
- al persunal dalla casa S. Martin Trun per la buna tgira ed il bien quita
- a sur Marcel Köhle per la digna celebrazion dil survetich divin funeral
- agl orgalist Albert Spescha per las melodias consolontas
- al chor mischedau Uvriu per siu accumpnament
- a tuts che han fatg dil bien alla Tina durant sia veta terrestra ed accumpnau ella a siu davos viadi

Per eventualas donaziuns giavischas Tina da seregurdar dalla casa Depuoz Trun.